

Autoridade Bankária & Pagamentu Timor-Leste nian (ABP)
Banking and Pyments Authority of Timor-Leste

Relatóriu Trimestráil Fundus Petróleu nian

Trimestre ne'ebe hotu iha 30 Dezembru 2010

KOMUNIKADU IMPRENSA

Autoridade Bankária no Pagamentu (ABP) ohin lansa Relatóriu Trimestráil ba dala Rua Nulu Resin Rua ba Trimestre nebe termina iha 31 Dezembru 2010 kona ba Fundus Petróleu Timor-Leste nian ne'ebé hatudu katak Kapitál fundus nian iha 31 Dezembru 2010 hamutuk millaun \$ 6.903,99 kompara ho millaun \$6.603,63 iha fim Setembro 2010.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun \$762,16 ne'ebé kompostu husi kontribuisaun kontribuinte sira ba fundus ne'e hamutuk millaun \$291,31 no kontribuisaun realeza (*royalty*) sira husi ANP (*Autoridade Nasional Petróleu*) hamutuk millaun \$470,86.

Rendimentu husi investimentu fundus nian hamutuk millaun -24,41 durante trimestre ne'e, husi ne'ebé kupaun no jurus ne'ebé simu mak millaun \$53,53 no mudansa iha valór merkadu nian mak millaun -77,94. Ne'e resulta ba rendimentu portefoliu fundus nian durante trimestre nee -0.36%, enquanto rendimentu referencia (*benchmark*) ba periodu nee nian mak -0,35%. Rendimentu portefoliu durante trimestre ne'e mak -0.01% kiik liu rendimentu referêncía (*benchmark*).

Lei Fundus petróleu nian espesifika katak Autoridade Bankaria no Pagamentu nu'udar Banku Sentráil Timor-Leste nian iha futuro, mak hanesan ajente ne'ebé responsavel ba jestaun operasionál fundus Petroleu nian. Ministériu Finansas responsavel ba establesimentu estratéjia investimentu tomak kona ba Fundus ne'e nian.

Mandatu ne'ebe fo ba ABP laiha mudansas, katak, atu jere fundu ne'e besik ba Indise referencia Merrill Lynch tinan 0-5 Governu Estadus Unidus nian enquanto BIS nia mandatu mak jere fundus iha maneira retornu portefoleu titulus diversifikadu ho objetivu atu dezempenha liu referencia (*benchmark*) e mantein *ex ante tracking error* iha Pontus baze 100 nia laran.

Haktuir ba processu nomeiasaun ba Schroder Investment Management Limited, montante inisiu hamutuk milaun \$260 transfere ona ba gestaun Schrodgers nian no nia portfolio implementa ona iha lora 8 fulan Outubru 2010. Objetivu husi Schrodgers nian mandatu mak atu maneja portofoliu iha maneira enhanced passive indexing no mantein tracking error ida nebe relativa ba sasukat nebe normarmente la liu husi pontus base 100, ho diferensa pezu nebe mantein iha 0,5% (nivel asoens) no 2,5% (iha nivel nasaun no seitor). Laiha tempu ida mak tracking error ex-ante bele liu husi pontus base 150.

Revisaun ba akordu jestaun inklui mandate investimentu foun entre Ministeriu Finansas ho Autoridade Bankaria no Pagamentu Timor Leste nian asina tiha ona iha 25 Junu 2009, Anexu 1 husi akordu ne'e renova iha 8 Outubru 2010.

Autoridade Bankaria no Pagamentu maneja ona portefoleu besik liu ho pontu referensia trimestre dala 22 dahuluk. Diferensia entre portefoliu no pontu referensia hahú husi inisiu fundus nian mak pontu baze -3.

Pontu importante husi Relatóriu Trimestre ba dala XXII, ne'ebé kobre período 1 Outubru toó 31 Desembru 2010, inklui:

- Saldo balansu inisiu hamutuk millaun \$6.603,63.
- Reseitas durante trimestre ne'e hamutuk millaun \$762,16 ne'ebé kompostu husi reseita kontribuinte sira hamutuk millaun \$291,31, reseitas realeza husi ANP (*Autoridade Nasional Petróleu*) nian hamutuk millaun \$470,86.
- Osan nebe sai mak millaun \$437,38 kompostu husi transferensia ba Orsamentu Geral Estadu hamutuk millaun \$436,00 no gastu hodi kobre kustu operacional nian hamutuk millaun \$1,38.
- Osan kontadu liquidu nebe tama ba Fundu durante trimestre ne'e mak millaun \$324,78.
- Rendimentu portefolio mak -0,36% durante trimestre ne'e no rendimentu referensia (*benchmark*) mak -0,35%. Excessu retornu portefoliu mak -0,01% kiik liu retornu referensia.
- Rendimentu investimentu durante trimestere ne'e mak millaun -\$24,41 kompostu husi jurus titulus nian millaun 53,53 no alterasaun valor merkadu nian mak millaun -\$77,94.
- Saldo balansu ikus hamutuk millaun \$ 6.903,99.
- Haktuir ba processu nomeiasaun ba *Schroder Investment Management Limited*, montante inisiu hamutuk milaun \$260 transfere ona ba gestaun Schrodors nian no nia portefolio implementa ona iha lora 8 fulan Outubru 2010.

Relatóriu trimestrál, no mós lei Fundus Petróleu nian no Akordu Jestaun, disponivel husi sítu Autoridade Bankária no Pagamentu www.bancocentral.tl

Ba informasaun adisionál bele hetan husi:

Venancio Alves Maria
Diretór Ezekutivu
Jestaun Fundus Petróleu,
Autoridade Bankária no Pagamentu Timor-Leste nian
Korreiu-Eletróniku: venancio.maria@bancocentral.tl

Telefone: + (670) 3313718

Dili, 8 Feveireu 2011